

## OBAVJEŠTENJE O DAVANJU KRVI



Davanje krvi je suštinski važno.

Ne postoji ništa što bi moglo u potpunosti nadoknaditi ljudsku krv. Zato je davanje krvi nezamjenljivo i važno za spašavanje života.

U Francuskoj svake godine 500 000 pacijenata ima koristi od transfuzije krvi.

Instrumenti za uzimanje krvi su sterilni i upotrebljavaju se jednokratno (igle, cjevčice, vrećice).

Prilikom davanje krvi niste izloženi nikakvom riziku.

Davanje krvi:

**To je najbolja donacija, a traje od 45 minuta do jednog sata.**

Uzima se 450 ml krvi kao i nekoliko malih uzoraka na kojima će se obaviti testovi i provjere.

- Muškarci mogu dati krv pet puta, a žene tri puta godišnje.
- Davaoci krvi mogu biti uzrasta od 18 do 65 godina.

Obavezna je pauza od osam sedmica između dva davanja krvi.

„Obavještenje o davanju krvi“ s prethodne strane preuzeta je s jedne francuske web-stranice. Na osnovu teksta „Obavještenje o davanju krvi“ odgovori na sljedeća pitanja:

---

### Pitanje 1: OBAVJEŠTENJE O DAVANJU KRVI

Koja je osnovna svrha teksta „Obavještenje o davanju krvi“?

- A Ohrabriti ljude da daju krv
- B Opisati rizike od davanja krvi
- C Objasniti gdje treba ići da bi se dala krv
- D Pokazati da mnogi ljudi redovno daju krv

## **OBAVJEŠTENJE O DAVANJU KRVI – BODOVANJE 1**

### **CILJ PITANJA:**

Integracija i interpretacija: opće razumijevanje

Prepoznavanje osnovne svrhe nekog oglasa

### **Maksimalan broj bodova**

Kod 1: A Ohrabriti ljude da daju krv

### **Bez bodova**

Kod 0: Drugi odgovori

Kod 9: Bez odgovora

---

## **Pitanje 2: OBAVJEŠTENJE O DAVANJU KRVI**

Prema tekstu „Obavještenje o davanju krvi“, zašto je davanje krvi nezamjenljivo? Prepiši jednu rečenicu iz teksta koja to objašnjava.

.....

.....

## **OBAVJEŠTENJE O DAVANJU KRVI – BODOVANJE 2**

### **CILJ PITANJA:**

Pristup i pronalaženje: pronalaženje informacije

Lociranje informacije koja je eksplicitno navedena u nekom oglasu

### **Maksimalan broj bodova**

Kod 1: Citira (ili parafrazira) cijelu rečenicu ili njen dio koji počinje sa: „Ne postoji ništa...“

- Ne postoji ništa što može u potpunosti nadoknaditi ljudsku krv.
- Ne postoji ništa što je može u potpunosti nadoknaditi.
- Ništa to ne može potpuno nadoknaditi.
- Ništa je ne može nadoknaditi.
- Nema nadoknade. [minimum]

**Bez bodova**

Kod 0: Daje nedovoljan ili neodređen odgovor:

- Davanje krvi je tako nezamjenljivo. [ponavlja pitanje]
- Ne može se zamijeniti. [ponavlja pitanje]
- Spašava živote.
- Ono je suštinski važno

Pokazuje pogrešno razumijevanje materijala ili daje neuvjerljiv ili nebitan odgovor:

- U Francuskoj svake godine 500 000 pacijenata ima koristi od transfuzije krvi.

Kod 9: Bez odgovora

---

**Pitanje 3: OBAVJEŠTENJE O DAVANJU KRVI**

Jedna osamnaestogodišnja djevojka, koja je u posljednjih dvanaest mjeseci dvaput dala krv, želi to ponovo učiniti. Prema tekstu „Obavještenje o davanju krvi“, pod kojim uslovima će joj to biti dopušteno?

.....

.....

**OBAVJEŠTENJE O DAVANJU KRVI – BODOVANJE 3****CILJ PITANJA:**

- Integracija i interpretacija: razvijanje tumačenja
- Povezati informaciju u kratkom tekstu radi zaključivanja

**Maksimalan broj bodova**

Kod 1: Identifikuje da mora proći dovoljno vremena od njenog posljednjeg davanja krvi:

- Zavisi da li je prošlo osam sedmica od njenog posljednjeg davanja krvi ili nije.
- Može ako je prošlo dovoljno vremena, inače ne može.

**Bez bodova**

Kod 0: Daje nedovoljan ili neodređen odgovor:

- vrijeme

Pokazuje pogrešno razumijevanje materijala ili daje neuvjerljiv ili nebitan odgovor:

- Ako je dovoljno stara, može.
- Ako ove godine nije dala krv previše puta, može.

Kod 9: Bez odgovora

---

---

#### **Pitanje 4: OBAVJEŠTENJE O DAVANJU KRVI**

U tekstu se navodi: „Instrumenti za uzimanje krvi su sterilni i upotrebljavaju se jednokratno...“

Zašto su u tekstu navedene ove informacije?

- A Da bi se uvjerio/la da je davanje krvi sigurno
- B Da se naglasi da je davanje krvi od suštinskog značaja
- C Da se objasni kako se tvoja krv koristi
- D Da bi se dale pojedinosti o testovima i kontroli

#### **OBAVJEŠTENJE O DAVANJU KRVI – BODOVANJE 4**

##### **CILJ PITANJA:**

Razmišljanje i vrednovanje: razmišljanje o sadržaju teksta i njegovo vrednovanje  
Prepoznavanje svrhe ubjeđivanja u nekoj rečenici u oglasu

##### **Maksimalan broj bodova**

Kod 1: A Da bi se uvjerio/la da je davanje krvi sigurno

##### **Bez bodova**

Kod 0: Drugi odgovori

Kod 9: Bez odgovora

#### **Pitanje 5: OBAVJEŠTENJE O DAVANJU KRVI**

Prema tekstu „Obavještenje o davanju krvi“, da li je sljedećim osobama dopušteno da daju krv?

Zaokruži „Da“ ili „Ne“ za svaku osobu.

<b>Osoba</b>	<b>Dopušteno da daju krv?</b>
Petnaestogodišnji dječak koji nikad nije dao krv	Da / Ne
Tridesetogodišnji muškarac koji je dao krv prije šest sedmica	Da / Ne
Dvadesetogodišnja žena koja je dala krv prije godinu dana	Da / Ne

#### **OBAVJEŠTENJE O DAVANJU KRVI – BODOVANJE 5**

##### **CILJ PITANJA:**

Razmišljanje i vrednovanje: razmišljanje o sadržaju teksta i njegovo vrednovanje  
Primjena seta kriterija iz nekog oglasa na druge slučajeve

**Maksimalan broj bodova**

Kod 1: Tačni odgovori: Ne, Ne, Da, tim redosljedom.

**Bez bodova**

Kod 0: Drugi odgovori

Kod 9: Bez odgovora